

葆
冲
書
屋
集

葆冲書屋集卷三

秀水 汪如洋 潤民

古今體詩一百二首

沅江舟中夜雨

庚戌

疎聲篷背忽脩脩翠石文沙古渡頭
燭盡鄰船初罷酒更稀
戍卒懶登樓十年舊續江湖夢
千里平添菡杜愁
自笑塵勞緣底事
苦將今舊閱浮休

晚晴

薄雲散魚鱗暮色靄將逼
沈輪忽迴照杲艷如未昃
岸波開
冶笑溪樹脫昏蝕
船人晾衫襪歡唱出胸臆
吾亦陶晴佳洗
盃膾鮮鯽興懷玉溪吟人間有通識

代書寄四弟

孟春月十九我行度辰溪溪船劣容膝篷底風色淒家書困
萬言擲筆不欲提忽復念予季一緘方我俟綿綿肺腑詞爲
汝裁赫蹏自我來滇南跡如鳥借棲高堂廢甘旨細小屏挈
攜官衙儼蕭寺粥飯調鹽壘行部入萬山界窮金齒西瘴草
茁交頭獬民走雕題夜眠戍卒床曉聽山魃啼所幸土風樸
猶可理法齊點蒼再停轡祖德感未斲椒觴一以奠幄幕雲
淒淒鐫詩誌胎翼好事非災梨歸來簿牘簡昆海觀勺蠡邀
遊兩府間交情靡曲締徑行率我直恥乞微生醯下交亦準
此式好無乖睽俸入參僮僕飽及犬與雞口腹敢重累錙銖
付輕齋京華三十口不使面目黧涓塵冀儲積庶免求夏畦
儒酸故人少歲暮顏色低逋償了無日巨壑填沙泥螾螾縱
潛蠹溝渠絕排擠一官未全貧三載當歌驪知我賴鮑叔贈

金逾贈綈高誼及車裘借籌兼藿藜臘雪浩重關羸馬顧我
嘶衝風整破帽觀頰生凍皴危崖莽昏黑熟路輿丁迷元宵
下澣水小艇奔駛駛灘石劍鋸矗磊磊初平砥篙師亂邪許
水溢不可隄衣囊竝書篋濡爛成醢鸕利涉誓忠信不戒將
咎奚我生信艱梗念汝彌心悽兩番望秋榜蹇步遲丹梯南
陔溫清暇知無輟居稽兢兢季婦訓勿慕阮與嵇衛生亦要
術不熟愁稗蕘汝兄拙經營五技方慚斃書此述甘苦兼以
代提撕他年倘得請歸買春田犁

自常德登陸抵京師輿中雜詩十七首

晚飯桃源縣晨星見朗州灘聲窮百折湖水劃雙流

行客道
洞庭鄒

陽兩湖者俱
由常德分路

地濕母苛酒春溫早卸裘從今如砥道梯棧不

須愁

葆冲書屋集卷三

澧水紆三渡篙痕漲雨餘紉蘭長已矣留珮或聞諸

出澧州北郭有

榜曰留菜甲村娃剪松羔稚子如西疇方待澤底礙濕衣裾

九十九洲上城如鐵甕堅陽侯一以怒桑土構何年廟社頽

香火膠庠冷誦絃劇憐賢太守故物祇青瑣

前荆州守俞鶴友前輩以絃誤

留辦城工方主講荆南書院

馬跑不改井刀折已無環壯繆吞吳恨威靈想像間桑麻經

百戰簪笏赴羣山稍喜摩苔碣吾宗跡未刪

荆門州境有武安王馬跑泉劉

刀石遺蹟先從祖澄齋公爲州牧時石刻題句尚存

叔子今黃土文貞莽故園

羊太傅碑亭張文貞公園址皆在襄陽城外

人民猶墮

淚草木似銜恩此水常東逝來朝又北轅

次日自樊城入兩京皆車道矣

賢應我笑塵境日羈樊

濁潦行迷渡飛埃起蔽睚店餐惟餽飪車鐸漸郎當擔負鄉

夫劣馳驅驛騎庭長官偏簡事累月臥琴堂

貢使通交緬中州四達衢界牌增白堊官柳認紅株風勁晴
鳶喜泥乾晚憤劬

翠華瞻密邇灑道逮沾濡

時豫省微望春雨

問政賢侯責知津過客心乘興原惠績條肄總徽音古意堪

持贈豐碑試剔尋嗤他貢諛者傾仆徧墻陰

入豫境多古碑曰葉公問政處

日沮溺耦耕處曰鄭子產乘輿濟人處日文王化行南國者凡數處

薄宦嗟臣叔魂歸化白雲當時耿蘭報曾向半途聞一宿燈

凄旄三年草沒墳無情大河水依舊走沄沄

丁未春於梁澤渡口得吉石叔

禹州四開會紆道一哭

骨月違同谷音書阻大雷嗟予塊獨處感汝惠然來藥鼎蠲

疴未祥琴制淚纔瓊瑤無以報草草一緘裁

嚴少平妹婿自大梁來晤因訊

舍妹
病狀

仙人王子喬飛鳥遠難招見說防桃汛兼能膏黍苗官程蘭

絲縛吟社鼓聲銷轉憶湘靈瑟江峰久寂寥

渡河後不得晤王秋塋明府書

此却寄時聞錢菽原茂才亦客豫中故及之

憑弔詩人例名都况鄴中笙歌銅雀散臺成佛狸空酒許三

升乞才寧八斗窮如聞棘牆外桃李笑春風

過鄴縣值座師茅耕亭先生按

試方畢留飲使院

一飯寧恩怨人情感喟多嗟來誰忍此草具客能何短榻茵

鋪朽殘檠燭限苛僮奴無藉甚村店買顏酡

舊識邯鄲道豪情俠少誇黃梁炊日日錦瑟醉家家膠擾憐

塵界飛騰警歲華愁城無日破捫蝨且生涯

去天纔尺五遑惜路紆盤旅客多肩販歧途有面謾村荒酷

味薄陌古轍痕寬忽聽嚴城柝宵衾喜暫安

時由正定行在趙州

命

插幟陸營靜埋鍋野爨勞道旁疆吏簪闕下羽林刀

顧問周民瘼沾濡

厘土膏倍添衢叟樂一一

賜金叨

所在耆老多得恩賞銀牌而歸

幾日眉間喜頻年膝下懷拊歸仍蠹簡踏破是芒屨憊久輿
丁去歡新室幼偕蘭臺催聽鼓那便息筋骸

送李松雲前輩出守江蘇

未必儒冠解誤身一麾天與暫眉伸驟辭香案原非謫數逗
征車也坐貧行到秣陵秋色老夢回梁苑草根陳當筵等是
如澠酒勸盡憑誰作主人

過從談讌熟朝晡上下斜街路不紆

帝界江淮良吏人知館閣舊鴻儒惟將夙夜酬

雙闕未擬烟波託五湖早晚季鷹歸信準近遊肯爲辦尊鱸

澄懷園寓齋邀嚴愛亭前輩暨邵朗巖陳梅垞兩編

修小飲適學士達薊圃先生亦至酒闌共作象戲得

五古一首

暑闌肌骨倦午睡醒及晡叩門老僕聲提酒一胡盧云來自
通路大勝菜市沽佐以聶切膾飣盤雜芳腴心動食指隨獨
酌腸亦枯隔溪走招邀落落高陽徒連蹤類由鹿巾拂從奚
奴到門酒已溫返景紅未徂露坐無不可衫襪辭械拘一杯
續一杯寸膽徐徐麤子陵高尚士放眼規黃虞有時醉伸脚
山澤忘故吾邵子皇極胷聖水宜沾濡奈何擊壤吟鼓腹同

康衢

明巖健飲歌適以宿飽辭

閉門陳正字覓句顰頰臞當杯不鯨吸曷

日顏能朱桓桓老都統力能控生駒丰采特道上玉樹臨風

株濃膏點洱茶小嚼融塞酥酪奴衝滋味評隲有是夫酒兵

罷麈戰戲具無擣菰方員奕思變殺機動陰符三十有二著

著著成陣圖方位列將相車馬嫻馳驅進止森矩矱鑒戒崇

盤盂不如且飲酒釋此神智劬堆卒起鈴柝奔雷停輓轡遲

月月未來夜寒肅侵膚明當作軟腳投轄騰百觚

明日訂集海垞齋

六月廿四日感積水潭舊遊

甲辰乙巳間花間主人常以荷花誕日鵬詠于

是有再疊東坡北臺韻詩

荷花歲誕昨猶今魚鳥應猜過客心記放車徒停柳外先安

筆硯就槐陰殘詩理遍空澆酒流水枯來合罷琴無恙亭亭

萬紅袖可都憔悴似秋深

驟雨疊前韻

舊雨沈冥盼到今，惺然如起讀書心。
稼多漫與愁無極，桑柘誰能感未陰。
避濕鴉忙猶有陣，叫風蟬亂豈知琴。
一杯賞汝司空屋，衣褐涼秋計已深。

題錢壽泉太守西塞山莊第二圖

眼底雲烟十載移，釣船欲葺坐無貲。
多煩畫史申新約，重遣山靈認故知。
檢校功名綢被卷，禁當風雨布裘披。
吟成便擬飛殘夢，身作前灣白鷺絲。

王秋塋明府入都過訪話舊

斜街日斜風可畏，下直關門愁客至。
蒼頭來前出短刺，認得南湖故人字。
故人作宰黃河頭，年來去河聲秋神仙才地。
瘁鞅掌不似翩翩伊洛遊，寰中蝨臣何所求。
飢來驅人日月

遁士方大如屋掃把堆成邱上官視河來指揮進退無時休
知君亦念桑榆收夢裏草堂贊未謀荅柴燕市沽一甌爲君
今夕澆窮愁故人今夕樂莫樂故園風光迥非昨杏花屋小
月橫枝竹隱房虛風卷簾尋常詩膽大於天羯鼓一敲紅破
萼憶癸巳春里居用數字韻個和事斜月杏花屋君家書舍名竹隱山房余舊居也意謂餘歡未渠
央聚如擲沙散炊梁散貂獵獵車塵黃錯著南湖詩酒狂冰
膠斷髭鼻軌凍病矣嗟誰憐子桑今年單車渡滎澤高詠青
雲望鳬舄不成良會但相思滾滾河流暮天赤救原授徒貧
且老浣花下第歸亦客天知晨星太寥落雨雪教君簡書迫
君能擊筑我能歌舉杯不飲當奈何郎當鐸語催君去依舊
濤聲枕大河

梅垞編修招飲消寒大鴻臚童梧岡前輩作長律卽

次原韻

飽食何如博奕賢尋常散直便登仙劇憐君子淡無醴未礙
廣文窮到瓊上下斜街槐蔭接東西老屋棟華妍料量此夜
溫衾夢不向居庸積雪邊

敗筆成邱總不神況於詩格論疵醇當筵忽遇幽燕將發藥
正如秦越人脫帽燈前猶跌宕看山畫裏益嶙峋

是日觀元
明人畫冊

數種

浩歌拚得忘歸路鈴柝敲風又幾巡

招同人集葆冲書屋飲朱碧山銀槎作歌

斜陽倒景升東華聯翩犖确下直車荒廚夙飭非咄嗟要使
友朋娛靜嘉墻頭有酒未用賒酌以挂星貫月之銀槎酒從
槎頭到槎尾枝枝葉葉浸灌無隆窳仙人何者踞其腹意似
空中呼吸雲與霞諸君愛古相傳誇一引一酌酒力加摩挲

碧山背鐫字斯人不作渺若河漢天之涯吁嗟乎謀生下土
空雕鍛萬里寧期游汗漫一藝江湖世已驚再傳兵火光猶
爛吾儕上龜宮厨飯刻楮三年對書案金掌恩波久自深玉
杯經術荒無畔散裘明日風尤悍剪燭高歌醉醒半夢去蓮
舟拍海濤飛渡扶桑日方旦

編修錢撫棠前輩招飲賦四絕句

一畝城陰占草堂琴尊不奈主人忙偶然熟客留深坐庭樹
無言已夕陽

插架琳琅密復疎引人清閱洞天如廊廊掃地不可唾知有
小鬟能檢書

盤登鄉味品嘗真座雜鄉音語笑親容易一杯相暖熱市門
風雪有羈人

風流前輩動吾懷
雙樹軒兼釋石齋
好在君家舊壇坫
年年須辦酒如淮

掃塵作

日日東華十丈紅
敝廬歸臥雪兼風
不禁世態隨年換
又見窗塵過隙空
整頓貧家無事福
栽培小子夙興功
汗人那必元規爾
胃次司徒苦未融

擬游仙詩

辛亥

紫府仙才特詔尋
真文密貯錦囊深
了知不與凡間事
牽率詞人效嘔心

萬里崑崙一輩過
摩麟筵上語無何
絕憐舊渡蓬萊水
纔說東歸淺更多

秋空驚鶴迴聞聲
揮手全家入太清
福地真官三十六
齊來

緱嶺學吹笙

仙侶真隨藥籠收
碧桃花暗犬聲幽
人間信有茫茫路
莫笑曹唐是水牛

艱難七試到昇天
虎駕龍驂不待鞭
貧喫雲臺桃實美
深巖一跌又多年

算劫投臬百不神
仙家絕藝到無因
如何十幅琅玕紙
輕換瀛洲九斛塵

金蘭畦比部招同陸璞堂范攝生法時帆三同年集
飲寓齋

淘渠天氣出何之
折簡比鄰既有期
紫陌同年稀見面
青春垂暮忽開眉
卽時酒豈升沈與
應候花如冷暖知
十載鷗盟此無恙
明燈起舞復奚辭

硯田礱确久須焚粉署仙才總不羣渡海身原輕似葉

攝生前歲

從征臺

出山心總逸於雲

璣堂時帆方由詞曹改官

三盤穀雨催耕遍西

苑晴雷啟事勤我有澄懷一池水早荷圓後待諸君

題時帆山寺學詩圖

童年學詩就家塾澀如鶯簧初出谷尋常里社稍微逐急不
擇湧泉萬斛中途汜濫那知歸河伯不自旋面目壯年學詩
趨館閣翰墨橫流有邊幅蓉裳蕙帶謝騷製大呂黃鐘生嶮
竹葫蘆依樣真氣少桃李能言蹊徑熟悠悠天鈞不可期花
開歲新空往復斯人誰贈不朽語窮窈煙山自春綠金門學
士今詩豪毛髓脫換無點俗長歌鬱怒短諸勁峻壘堅城手
摧衄學成定復幾何年一髮修途渺難續眼前山寺豈真境
意謂黃唐在幽獨色聲不住雲無心根塵欲離蟬蛻殼鈍鋒

我愧句下死妙悟煩君破轡束長松悒悒古歡穆白月行空
天籟肅得意還撞夜半鐘驚起僧房蕉下鹿

侍御馮孟亭夫子奉硯圖

司寇乘輅日三吳吏治端

侍御令祖司寇公名景夏嘗督儲江蘇鹽剔積弊硯卽其所遺也公

歿硯失所在至

官倉平斗槩衽席起瘕癥駟馬基陰德簾金

付達觀偶然儲太璞欲以壽騷壇宿墨奚童洗新銘巧匠刻

鳳池縈作帶鸛眼潤生瀾手筆遙期待年華勉究殫歸田宜

送老守篋卽遺安神物何心化風塵再見難文孫今柏府妙

選昔金鑾太息家珍數兮皇墜緒單楚弓無久失趙璧乃終

完圭角磨猶峭泥沙拭漸乾故交來有約生面得重看

侍御自題

日生面重開

莖露朝承掌臺霜夜刷翰陳風收籠藥愛日詠咳蘭

到處提攜便兼之晤對歡傳堪比弓冶訓豈忘孟盤慶及趨

庭鯉文成集樹鸞呈材已駟騷萃美必球玕膏黍聲名重登

瀛骨節珊青瑣怡苜蓿綵袖侍團樂角里居容膝西崑注嘔

肝

侍御有箋注玉谿生集行世

世榮疏廣足祖澤范喬寬復始惟先兆滋

恭尚永歎畚耜勤播植圖畫寄槃桓老屋平臨水幽花碎簇

欄道腴添髯古秋爽襲襟寒介石貞相倚名山寶不刊儼同

陶甕運留伴鄴籤殘下走通姻婭高文挹杜韓每穿東郭履

來飮後堂餐瓌瑋欣曾覩摩挲劇幾般君苗焚未惜桑令敞

何干季子冰銜接春明暑序闌殷勤啟贖軸指點到林巒執

玉躬奚忝探環事匪謾回甘方噉蔗話舊忽馳丸室想凝虛

白顏應注渥丹沁園歌闕處還理釣鼇竿

侍御有自題沁園春詞一闕

澄懷園荷花雜詩十首

小寒食日藕栽移盼到亭亭綠冒池一尺分龍連夜雨泥中

宛轉又多時

北岸莖稀南岸密
亂頭粗服不吾猜
只如三五疎狂客
巾戰離披散直來

西北高樓若有人
句用風裳水珮話前因
百年小換摩訶劫
不識名花幾化身

醉折花枝當酒籌

句用飽聞諸老共扁舟
此材又抱爲薪嘆
爭遣沙禽不白頭

池中舊有小艇今無存矣

傍水籬門麕眼攢
彎碕仍插釣魚竿
園丁也占閒風月
只有

鳴蛙尚屬官

偶向花叢缺處行
菱蒲節節爛縱橫
春盤愛喫新芽美
鴨拍魚噉趣不成

地僻難逢載酒尋
風清月曉費沈吟
詩人解說情兼恨
體物

何曾到苦心

飛蓋隨遊夢宛然青山神理剩綿綿愁雲淨業湖光外生日

憐渠又一年

感積水潭舊遊時
質王逝世一年矣

舊宅南湖換主人東偏賃廡亦荒榛秋來水滿田田處田田處余

故居水亭名
今屬他姓矣

百萬何緣更買鄰

銜泥歲歲此營巢花好今年未忍拋寄語采芳人著意涼風
已在碧梧桐

南歸雜述

嚴霜摧倒生南下少鴻雁勞人心惻惻感物倍淒變此行嗟
何爲車馬白如練親朋送自厓慈母泣縫線意且見星急情
徒望雲戀有弟祖跣偕努力飢粥勸前途萬斛塵投足坎壈
偏高深念往誠臨別淚仍嚙

雞號子之半白月耿在床瞿然起推枕鐸語猶郎當首遂警
僕侶呼謦聲隔牆店扉竝時啟車轍分頭忙微聞畿縣歉伏
莽費周防前宵服賈客邂逅齎盜糧吾非趙長平孝友格強
梁同儕得依倚肝膽免怯怵詰捕榦曹職撫綏循吏方寬猛
幸兩濟攬轡心徬徨

砢鐸知度橋竿硯想陟阜重帷隔聞見閉置若新婦簸顛不
成夢夢亦莫須有鳳城日迢遙屈指寒消九此時坐披衣鄰
寺曉鐘吼金門九重闕穆穆虎羆守凌兢敝貂風電勉循牆
走徒勞才已拙久廁顏益厚邁閔固天罰退藏亦時偶無爲
擾清魂宜憐去揮手前林曦光微已出賣漿叟

叟來且何言停車問農圃今年粳麥登下戶給二鬴炊餅大
於盤菜把賤如土女閭咸徙籍市丐少羣伍詎非令長賢雞

犬亦安堵請前覓晨餐中路勿踽踽

北風吼以顛飛塵眯眊膜蒙裘入破店四壁猗猗縛透隙聲
颼颼几案紛敗擗竈觚火不溫留客但樽飢饑腸得且慰梗
塞苦齟齬心知行路難勿論懷抱惡蹢躅可憐蟲終勝凍死
雀

黑壤性黏埴雨深淤轍痕轅駒鈍於蝨西日增怠煩行行月
缺圓未見江南邨危堤忽岡聳來轂方蟻屯津夫索高價下
指鹽河渾始知近黃流觸處濤怒翻邳徐滌場早婦子安華
門市擔出棗栗盤餐賤雞豚預想三吳豐秔稻肥有孫枕肉
了殘歲不厭鄰春喧

歲暮武林歸舟作

十年夢隔此湖山素襪歸來慘在顏巷陌尋常懷刺熟親朋

強半鬢毛斑北邙馬鬣頻悲逝東道豬肝又破慳爪雪前塵
難問訊翦燈聊與話辛艱

十門踽踽做裘風豈識星迴日更窮媚竈求憐心太苦登臺
避債策原工羔豚化俗情文簡茶壘乘時意氣雄九事真成
入爲律幡然那不布帆東

山色臯亭不改青夏波雙舫去難停裘輕轉愧逢關吏直賤
差堪役壩丁臘雪未成春且逼邨酤無力夜常醒皂林驛鼓
來朝繫遊釣重教感弱齡

正月十六日夜雨宿桐溪聯句

王子

春回臘雪消

如洋

節近夜寒殺刺篙及新晴

汪如淵碧姑

掃徑待

清話泥鴻悄不飛

汪世棟質谿

檐雀凍思曬平波添膩肥

如洋

老

樹起僵褰路紆錯浜港村僻謹圈寨墓田畢周覽城市行謁

拜誰令朝霞烘

如淵

坐轉午風噫烏篷住雙艣

世樟

白室脫

衆械街荒屨滑蒲濠漲舟拍芥潺窗燈欲死

如洋

穿雷壁將

疥牀移陸居穩

如淵

杯釋廬臥憊深談訂愚頑

世樟

急景感

迅邁素衣歸甫昨

如洋

歧路走方監躊躇麥舟賻

如淵

振觸

梵宮唄多年阻歡笑

世樟

永夕增嘆喟茲鄉祖澤遺

如洋

累

世家修勸堂深聚歌哭

如淵

樓古積書畫

先世裘抒樓藏書甚富今樓存而書

已散佚矣奮勤各終畝

世樟

觴濫鮮異派生理雖漸微

如洋

淳俗

固未敗吠彪邑弛警

如淵

佩犢戶遵戒魚蝦釜鮮腴杭稻杆

精糲燭蹄姓著業

邑俞氏醫脈路最佳俗稱俞蹄世樟

藝李園畫界

潘園李徐園李

皆桐絲機漢鎮仿

漢院鎮屬桐鄉其地多機戶如洋

葉擔語溪賣

每歲歲月鄉人多載

桑葉至石門灣作葉市橋通泮流環

學前橋俯臨官河即引河水入泮池如淵

寺指塢輪

挂風鳴寺雙

水磴鋪作鞍

臨水河步多作鞍形俗

塔在城中

砦富室多樹柳以護私廩嬉遊憶髫髻導掖仗廉价條驂氣飛揚蠟鳳

技狡猶渾忘日可惜如洋但覺意當快光陰弩激弦如淵者

舊霜倒薤遷徙既頻仍起滅亦變怪兩載新枝棲世樟一夕

陳迹絳擁衾厭丁耽如洋入夢杳沆瀣偷吟偶肩聳息影譬

羽鍛思幽奇鬼睇語險痼疾瘥試燈巷聲稀踏月鄰興懈辛

盤來故遲如淵卯飲設猶屈詩書許負篋世樟日月警覆簣

勉哉羯末姿如洋允矣嚴敦誠委塗謝礫瓦如淵獻廟佇珪

玠轉瞬桃李華世樟撒手米鹽債簞羣且鷓鴣如洋滯穗獨

夷稗妬看錐脫囊如淵差免鈇彈蒯願廚爲雲詩世樟母筵

遇雨卦如洋

二月十六日夜至山茶花漾省謁 祖塋敬用 先

大夫厚石齋集中丁卯冬舊韻二首呈大兄兼示諸

弟

時余將以三月初北行

填填發蟄氣機回

前三日驚蟄節

雁侶荒江未歇哀挑菜光陰春水

足撫松心事夜船開十年轉訝鄉音換一飯深思祖德栽指

點書床話陳迹短檠曾伴芋爐煨

柴窯港口問幽宮窀穸期及仲冬坏土讓君親著力轉蓬
憐我太無蹤連宵絮語難逢暇有弟煢居亦寡棕渺想團頭
京國再舊裁姜被劣能容

硤川感舊詩

一橋橫港對柴扉住下身如老布衣不少經綸歸抱膝蠹書

葉葉付灰飛

先外祖編修許慕迂先生居硤之橫港橋聚書萬卷顏所居曰抱膝齋

捕蟀無功鬪草輪層臺複榭走縈紆不知今舊沈沈雨能化

雕闌作朽株

嬰戲圖開此一堂
猶茵鵲架總淒涼
惟應爨下龍鍾媿
笑我髭鬚半尺長

開庭舊種小桃花
一度離懷十倍加
重倚春風問消息
繁紅今已屬東家

猗綠直破蘚痕青
曾上東山撼塔鈴
坐穀騾車腰腳換
石橋徐步已崢嶸

以上皆記舊遊

廿載西風瑁璫悲
伊人病骨藥爐知
玉棺竟伴纍纍塚
惆悵清明又及時

陳顯先茂才爲海昌名士嘗設帳抱膝齋中辛卯秋聞報罷以療卒權厝硤石西山之麓

紫薇山腳水東趨
人說佳城儼畫圖
宰木成陰莊易主
門前猶賣淡巴菰

西紫薇山莊爲先高祖魯巢公墓田旁舍今爲他族佃處惟東鄰業烟葉者老屋尚存

桑陰門巷纜船低
賭酒春宵襖被攜
嘆息一官豪氣盡
燕泥如霰落懷題

過路仲里訪管園風故居兼慰遺孤時下世已四年矣

西寺南街劇飲忙興來往往醉僧牀春融一老衰何甚日臥

■衾檢藥方

父執吳曉亭先生自號春融居士十年前偕余飲酒蕭寺今臥牀不起矣

榛莽生涯日蹙何客懷寥落此經過重來未必真無分只恐山邱淚轉多

夜泊木瀆有懷石湖居士

光福山南水市頭破衾風雨纜扁舟斯人不作烟波冷春色欲闌花鳥愁壯節中原違伏枕詩情薄暮寄登樓青燈濁酒成孤夢也當驂鸞萬里遊

夜舟聽雨用碧黏弟石門舟次遇雨韻

鱗濕牛毛雨燈昏螭殼窗征人無楚夢舟子尚吳腔野泊鉦鳴堠村酤屐度缸聞根總詩趣高枕不嫌哢

春色花催信鄉愁筍破梢江湖十年事茲夕倍難拋蹤跡切

堂泛光陰石火敲翻憐檣上燕絮語未安巢
局縮人三四低徊百感咸曾吞大江水齒冷順風帆酒渴憑
呼茗香溫待熨衫明看萸柳潤萬樹玉垂攢

京口渡江次箕溪姪韻

金焦無恙眼雙青落日詩情破杳冥衣帶一條風氣割烟花
百劫夢魂醒黃頭健欲凌沙鳥鐵甕高猶據屋瓴已是勞人
鬚髮換薄遊重此帶帆經

春潮過雨綠浮艫黯黯何關賦別江彼岸奔騰萬靈集中流
猛省一鐘撞旗招渡口晴非詐篙壓濤頭怒未降辜負留人
瓜步月魚鹽晚市太喧嘩

過沂州作

邾婁藉稻開名郡典午分茅重本支豈料中興倚磐石更令

江左盛門楣山川氣脉隨消長子弟風流渺寤思千古金陵
弔佳麗發祥誰此認殘碑

蒙陰山下遇雨

遠山夷猶眉黛層近山峭厲骨出稜我行乃在近山麓巨石
戴轍聲訇砢高山插霄不可登卑者迤邐爲岡陵百步九折
煩脅息四馬服衡猶弗勝五更月缺風閃燈客眠車箱方曲
肱洊雷忽震腦髓裂習坎復墮心魂兢前車一僕何氣矜爾
輻未脫轅壓膝詔呼幸賴將伯助後至始作吹壺懲我憐此
道當由庚過客擾擾隨蚊蠅農工畚揭固時暇徒役不待司
空徵偏陂險穢泯無迹一賢令長堪奏能炊烟濕林到村晚
一宿飯價茆檐騰提壺車子喜相勞醉歌嘔噎吁可憎仰天
下士獨愁絕黑雲吐嶺如飢蒸沙深磴滑豨軸礙何況徒行

嗟擔簦乞晴無計雨亦得洗出嶽翠千峻嶒

東臯古樹篇爲邱東河太守作

邱侯揖我蓮花池示我東臯古樹詩東臯古樹幾何歲閱歷
南渡留今茲君家甬東門閤好昔日堂成樹先老一柏雙松
六百年沈淪撼頓長相保冰霜落落含古春岸谷茫茫生戰
塵天公未竟玉汝意夜半或有持山人平泉一石何輕重呵
護嚴於士師壘亦知移植慚舊恩或肯委蛇就新寵此堂不
毀樹不遷綠髮頽然成皓顛至今風雨波濤夜猶夢建炎航
海年承平歲久菁華盛里社尋常起恭敬栽培尚想故家風
鍾毓將爲

本朝慶玉冊風流髣髴聞孫枝代代昌我文如君迴有棟梁
質礪砢佇策明堂勲雙旌五馬來燕代政成已及周南愛葛

藟於人庇廕深角弓向我低徊再低徊吾亦感吾廬玉楮翁
經締搆初相臺喬木家何在已是中興翦伐餘三株鴨腳烟
霄直一樹娑羅月輪昃怕說園亭換主人名材失色棲荆棘
故居金匱園爲宋岳倦翁故居園中銀杏娑羅相傳皆數百年物今歸他姓者廿年矣童時遊釣幾摩
挲璜弱飄零世守何君嘆孤根能突兀吾憐碩果太婆娑鄞
江繡水津連驛宦海萍歸杳難必他日登堂酌壽君君其貺
我懷中匹

偕王翠庭太守蓮花池夜話次章郎題其黔遊詩稿
後

棠陰一道望衡斜疊鼓朝朝聽放衙閑早心情勞布穀招涼
風趣減浮瓜池荒舊隔先生柳徑僻俄停太守車此夕烟波
共清話釣船茶具總天涯

使節前年度五溪遊蹤想像碧紗題磯排清浪各森成鐫磴

轉飛雲各巧執梯我亦羊腸曾叱馭君真鴻爪不留泥一編

珍重炎天雪散作層陰慰望霓

答蔣春雨明經寄懷原韻

南歸苦寢失過從尺素追貽慰問濃半載那酬烏哺德去冬以

十月奉諱南奔今春三月復飢驅北上廬居僅半年也十年虛想鶴饑容明經匡鼎誰

延譽索食陶胡少定蹤未必槐黃終絕意秋光都在兩高峰

前詩意有未盡復成一章

騷壇往歲執鞭從水榭分牋墨瀟濃醉後青燈聞鬼語病餘

黃葉寫秋容紀乙未丙申間事墨消一老俄觀化謂舅氏視星散諸

君莫記蹤剩把新篇托懷舊曲終吾欲問江峰

題吳鍊儂逢聖司馬詩稿後

黃河遠上大江東未抵才人筆力雄
欲借勞途鍊詩骨天教身世逐飄蓬

行卷誰酬國士知名場跋扈任羣兒
一官到手頭如雪只似春明跨蹇時

源本風騷寄托長紅塵妙劑有清涼
宵來快雨蓮塘足一字中間一瓣香

七律二首贈東河太守

湖山有美識君初風雪長安再起居
一目崢嶸天下士多年間闊嶺南書
悲歌燕趙來彈鋏榮譽龔黃早下車
不覺盟心敦晏歲人間肝膽自粗疎

柏影松聲縹緲樓遺聞甬上不勝搜
世家澤厚衣冠古慈母心勞鬢髮秋
練性工夫耽長物加餐風誼最前修

君嗜古墨所藏凡百

十二家又收聚明人尺牘真跡甚夥練墨如練性宋程致道句高懷傾挹知何盡瓜果南皮望少留

夏蟲篇仿山谷演雅體

驕陽爍冰冰骨倒

保定府城有水窖五今年炎旱特甚其三皆化為水

夏蟲隆隆肆薶

惱龜尊井坎利藏拙蜂聚餵蠶但娛老簷龍望物蟠在腹壁

蠶鉤人痛鍼腦蛾爭烈燄死不知蜥守微紅爛猶擣頃來遽

集蠅啜瓜一孕百丁蝻食稻徵歌土蚓賤優伶喝道花蚊醜

興皂蟬吞仙字傲學究蟻竊璫餘羨尉媪叩頭膈膊誠太卑

負版踉蹌亦何好燈誇無盡可憐螢檄討不然行及蚤夕斯

可死蜉蝣癡下不自量蟣蝨禱行泥科斗病卽僵重閉顛當

室誰保螳思奮臂轍與讐蛄爲充腸糞皆寶倉中穀蠹昧饑

穰寶裏醯雞惜昏早觸蠻好關讞局平蚡蚘失靈巫迹掃頗

聞懶婦警宵閨或者王孫怨秋草
蟻蟪居亦耐硜硜蚱蜢歸
思乘浩浩瑤琴罷鼓碧無情翳樹一聲風露曉

鷺庭編修於槐市得田山薑侍郎大通秋泛圖卷屬

賦

畫船載酒黃葉新大通橋外秋粼粼百年圖畫荆誰手京兆
故是堂堂人當時觴詠招攜偶未必官閒俸錢厚文采聯翩
照水濱寧知尺素流傳久我昨維舟通會河蓼花蘋葉滿烟
波中流邪許租船塞遊客稀聞飯豆歌風光暗轉拚今昔何
止城東一渠碧萬柳堂深雨泣荷金魚池廢風搖麥酒瓊詩
筒太寂寥頗憐公子足風標裴池在笥逢人說閱市無錢也
意消中秋已過重陽近廿里寒漪鏡光按輕衫劇想盪蘭橈
慰眼何如對丹粉

時帆庶子屬題詩龕圖

嗟君作詩久成癖甘苦生平幾陳迹溪橋寂寞山寺荒大類

鄭卿謀野獲

君別有山寺尋詩及溪橋詩思兩圖

歸來忽復悟微旨挂角無痕

虛室白龕成苦愛彌勒同詩好能令法門闢安排得地古圖書供養隨宜小花石一身海粟壺公藏萬事焦蚊橘叟奕腐儒眼界太空濶天地蘧廬旦暮客築窩行樂心太平起家埋文性迂僻蝸居我悵一城隔未暇君龕永朝夕松街謾謾秋風寒詩思蒼茫破空碧

又題溪橋詩思圖

煙景陽春解召人詩翁合與杖藜親不知溪水千何事一夜東風散綠鱗

上苑金鼈貝闕遙藜光寂寞映青霄多君未作江南夢身在

西湖裏六條

金鼇蒙光皆內城橋名與時帆所居相近

送薌圃叔

畿輔浮沈十九年素衣歸夢忽淒然
倉皇下水移船速黯淡中秋怕月圓
烏哺空庭長此恨魚鰥永夕況無眠
從知薄宦灰心劇傀儡當場總惡緣

青雲偃蹇仲容何桂玉長貧慰問多
敢道一餐酬有日頓憐

九里潤無波新阡涕淚同栽栢

先君子卜兆在桐鄉永新里將以今年冬月權安窆而

吾叔亦迎奉慈輿歸墓桐邑地相邇時復相值也

老屋風霜待補蘿

謂郡城留耕書屋故居

但

祝苦帷能健飯重來宣髮未成皤

葆冲書屋集卷三

葆冲書屋集卷四

秀水 汪如洋 潤民

古今體詩八十一首

張桐谷比部乞假後寄居僧寺旅况蕭寂詩以訊之
並訂出城小集

白雲廳畔老詩人吟破千篇不療貧塵滿官倉餘一粟時倉秩初

滿日斜蕭寺卧雙輪浮沔世法澄觀久脫屣名心勇退真底

事玉谿幽怨劇蘭舟重與證花身君近有集義山詩八首答錢襄山農部見贈之作

羣屐花間總舊遊頻年華屋慟西州應劉後死真成憾蘇李

臨分始欲愁座上誰曾談塵贈枕中虛想秘書求霜林碩果

經秋少爲戀枯條且復留

熒熒燕市古衣冠肥馬高車興早闌道故有情如味諫耽佳

成癖勝求官重闔肯爲看花出窮巷無嫌得酒難咫尺相靈
共延竚江峯一曲夜深彈

謂裴山

長男

世植

將就婚南行值其二十初度詩以示之時

八月二十七日

曩吾及汝年秋試罷甲午歸舟指離門值汝晬盤甫閱月汝
妹生窮鳥已鍛羽空憐荆璞抱未學長袖舞呱呱聽啼飢鬱
氣滿庭戶逡巡二十年頎立遽如許乃翁困薄宦教督殊莽
鹵讀書苦中資作字鮮成矩嘔啞五七言澀若未調觴鵠袍
集京兆員可納粟補非才固自餒綿力亦中沮坐看簡雲蹄
興爲伏慙鼓授室茲有期南行促資斧歸尋釣遊鄉童冠豈
無侶庶幾芹苴微進取力堪努宜家尤要術正位始男女專
壹旣乖和嘻嗃益招侮矧爲淳于贅譬賃伯鸞無檳榔戲劉

穆痛每中肝腑但葆玉潤姿毀譽皆糞土吾家貽謀艱味鍊
菜根苦食纔備漿藿衣足禦寒暑貴游競豪華習乃類妖蠱
薰衣復剃面齷齪寧足數故鄉戚黨繁舊誼聯牡荊都非敵
以下舉趾戒跋扈里門過必式斯禮準諸古維柔有敬恭毛
裏義云取先塋近百里塼甃委風雨表阡嘆無時時柏效可
覩汝伯髮非漆垣墉力扶樹汝將隨拜跪畚鍤助肩舉用誌
千里心罔間一堂聚吾言多家常世務罕覩縷此理期反隅
堆放固有序人當冠而字早謝鰲鞞伍昔賢才譽噪束髮覘
器宇巨容目睫蔽咫尺面墻堵黃菊秋未花家釀薄堪醕一
卮爲汝酌德業謹修輔光陰坂九捷荏苒寸心慚送汝自厓
返居人黯無緒重闔彌念結霜雪犯行旅含飴盼四代仰博
笑顏煦去矣勿遑迴于役異岬岵汝妹亦及笄春風俟堂著

壻也方北來傾蓋定欵語歡游吾所志婚嫁迫難拒因之感
年鬻絲髯漸如組恒言敢稱老長已倍於汝四十奈飛騰因
陳閱朝簿願此鑒無聞成名勉哉豎

次錢竹西妹壻秋試報罷述懷韻並柬同人

五陵裘馬傲衰翁忽遭淒其感邨風奮翼澠池他日果迷途
襄野暫時同時同寓被放者七人名心未易芟隨草秋色尤憐老向桐
城上荒砧樓上笛都來振迓月明中

早年詞苑氣飛騰碾慣勞薪百不勝退筆藏頭成故將異書
謀面抵良朋才華甘讓不羈馬智慧那求無盡燈老圃寒香
吾事足東風桃杏爲誰矜

致身公等必青雲擘畫行藏笑語紛不少諸侯賓杜甫肯容
司戶老劉蕡年豐五畝能招隱價重千縑有賣文一霎搏沙

須放手野田苹鹿正呼羣

妙句吟安癢欲搔菊莢香裏自題餽忍飢霧豹空求澤得過
寒蟲又強號官樣文章花爛漫腐儒身世玉堅牢車塵送盡
腸如結薄醉商量典繡袍

重赴保陽書院感賦

癡聾自笑不能翁徑挾葺裘走朔風歧路楊朱悲水已近遊
束皙興難同生涯盡散千頭橘時隨行一僕懷抱孤撐百尺桐並
轡深憐叩厯在謂竹西研齋諸君細聽飢雁暮雲中

晚炊茆店突烟騰破帽山肩潑水勝學圃人荒蔬告饑過安肅菜畦甚稀蓋本年旱歉所致躋堂歲儉酒無朋壯心月警空槽馬殘息風欺
敗壁燈過客何方慰鳩鵲太平官長最哀矜

胸慳奇字比揚雲來避謔臺剝啄紛但覺柳絲臨岸鬢敢云

桃實向秋蕢堂叅又到生公石坊刻重繙復社文却羨池頭
雙舞鶴忍飢無礙骨超羣

短晷殘冬髻獨搔關心臘粥又年饒
爾風民事籌無褐衛國

賓筵諷載號

隔牆聞蓮池
轟飲聲故云

大雪僵眠原太苦層冰立脚正須

牢拍浮拚作沈酣計椽燭宵深淚滿袍

喜雪用杭堇浦前輩集中待雪韻

燈不成花漏失聲長廊飢鶴徹宵鳴
三農望歲頭應白一士繙經眼忽明
村店醅醕知價貴地鑪膈膊已春生
如何逸少張侯帖只把佳時屬快晴

捉搦風前絮作團髻齡心性未全闌
填池擔擔銀泥壓掃砌峯峯玉壘安
賦筆遊梁空物色交情訪戴識艱難
豐年一等龍公手漸覺茸裘畏曉寒

講堂過午寂絃歌學士冰銜冷趣多僵卧敢云寒至此狂呼
不計飲亡何探梅幾輩間披篲種麥千邨亟荷蓑更想封章
馳短驛有人清夢逐鳴珂

戲謂來青
觀察也

吳少甫典試蜀中枉道保定書院索詩贈行卽用筵
頭周稼堂前輩韻

旱雲蒸天漲陸海紅塵素冠孑然在夜夢文星益部飛軒車
到門名紙矮疇昔霓裳詠大羅天街意氣共英多十年君僅
一階轉佳句空傳陰與何峨嵋掃翠待君久玉雪無瑕碑萬
口卿雲黼黻代相望歸獻

紫皇香案旁

古詩七章留別保陽肄業諸生

聖謨炳中天敷海文命廣恭惟風化先士氣重培養書院育

才地庠序視州黨矧茲首善區

帝宇北辰仰締構緬前哲規模鹿洞仿蓮池一泓碧風月坐
春盎我來重流連古意愧宏獎論交文字間敦學冀相長別
懷苦匆遽官路復鞅掌可無芻蕘陳稍慰問奇想常談嗤老
生裨益或涓壤

士居四民首百行全者幾雖云全人難安取冒不韙大端始
倫常義並日星煒周旋偶失墜婦豎獻譏誹燕辟實廢學易
爻戒比匪矯彼挑達風成章庶乎斐北方氣剛勁履啞玩虎
尾忘身詎非惑自待亦殊非病端難悉數中禡毒於虺檢點
爾身心所就乃瑰偉毋徒志嚶嚶聽此言亶亶

六經道之腴至味如菽粟千秋洙泗心厄以秦燄酷表章出
漢儒墜緒薪火續箋疏義類明古藻增綺縟餘芳丐後起一

鬱鑿空腹今人昧根柢但付高閣束否亦誇速成刪節便村塾篇名或未覩安識鄭與伏言之遂無物鄙倍不可觸

熙朝懋經學並試勵儒服願言勤菑畲勿效蕘稗熟

制藝盛有明永作取士則風氣雖代更典訓有程式明明聖賢心曠世若我卽樹質以肆文名教藉扶翼一變爲墨裁土木類雕刻美言不由衷負聲竟無力其流及小試利器詡獨得衣冠習輕佻徑路走纖仄尤爲心術害非止文字賊昔吾有先正立言如立德正襟請莊誦能使衆喙息

詩取娛性情深淺隨所造約之爲試律起訖變常調然而功令存將以敦厚教制從八股仿曲折具堂奧後先罔凌躐虛實貴兼到當其八韻成字字力排莽唐賢比長城茲亦壁壘峭操觚倘率爾部伍病輕越對仗亂班行中權失旌纛瀛

洲他日選拜獻實先導雕蟲含至理肯爲壯夫笑
保氏掌六書訓自沮蒼衍讀書不識字忘祖誚數典點畫淆
減增偏旁復訛舛弄麀及伏獵厥謬猶淺顯脫逢魚與豕疑
似曷由辨說文肇許氏源流賅隸篆援据本六經尊若冠有
冕旁通音韻微一母肉貫串以之祛俗蔽庶俾古風轉字典
修

本朝義訓倍昭闡世鮮揚子雲侯芭盍自勉

歲暮風雪淒羈人念京華諸生負笈者亦各還其家追維聚
首樂蹤跡真搏沙春風百草綠舊侶天之涯景光不我駐好
修良足嘉

茅太師母何太恭人七十壽

洵金籬蕊遲綻玉嶺芳早小春得氣佳壽母鍊顏好祥風扇

清門樂境啓仙島初成傳羽錄水部盛文藻偉哉家慶鍾邈
矣世德考我師鴻磐奮隻手鳳樓造桓甕久食貧潘輿怡娛
老羣欽剪鬚賢共致介眉禱設悅馨苴蘭加餐熟杭稻筵前
公紀橘海上安期棗衣裁宮錦新書擁紫泥寶江介停白雲
門墻廁小草西望鸞使遙南飛鶴儀皓因風酌瑤觴元髮期
永葆

題茅畊亭師獨立圖

砥柱支中流高松出衆木古人不朽三咸以立相最當其建
豎成卑論俯儕俗譬彼神仙人遺世渺遐躅吾師抱清標介
立本如玉罔干鄉黨譽况肯風塵逐天挺材不凡起作雞羣
鵠十年禁鐘聽三載冰鑑握凜然不易方寤寐慎其獨寫春
聊自娛意到筆已足凝然七尺軀楚楚儒者服既非坐彈琴

亦異眠仰屋腳跟有堅牢地步無局促鰕生如懦夫蓬質苦
詰曲笑問所立何窘若寸錐卓程門雪方深此諦願三復

重赴澄懷寓園雜賦

癸丑

春氣動郊郭萬彙返華滋園廬撫逝景朋好懷睽離緬此啓
戶蟄向陽復含熙世局無故新朱顏各榮衰理我架上書闔
我窗前帷好修憬前哲炳燭以爲期

晨興禁苑鐘夕卧鄰寺唄晡歸何所聞石道轉輪憊輪轉無
時休曦光與俱邁坐嘆車中人未滿塵土債回頭忽自笑吾
亦受天械

開門對清池屣履池上行枯株倦可倚魚鳥恬不驚池中亦
何有萍藻浮青青前年碧筒飲鏡列千娉婷摩訶感塵劫意
恐涼風生素質想泥蟠渺然含潔貞埋根倘如舊時至當敷

榮清漪照絲髻寫我低徊情

嵐煙麗金碧間以松柏林日對苑西山不知山意深朝曦復
晚照薄霽還輕陰氣象倏萬千不離太古心振策欲從之可
憐隔嶽岑鍾期渺何許慨此昭代琴

山桃開旣繁園杏萼且破蜂蝶空往還一映風燈過我欲采
芳馨夜雨忽紛墮所思隔遠道問訊愁無奈江南一枝梅歸
計礙寒餓不成蠟屐遊翻然擁衾卧

城中人不來墻上月已出清光逼酒面慰我意蕭瑟我面雖
暫頰我愁苦方茁精銷難自壯形困反疑拙陳篋固無成持
籌卒何術負玷日以多華年去如失畝宮思故園掃軌庶藏
密果此定何時青燈耿虛室

春雨和韻

堤柳濛濛欲冒烟雨絲寒逼暮春天渥施與物通生氣幽點
娛人度小年遠陌泥犁深幾墮早朝油臆散千員東皇不負
清塵手濕到三盤紫翠邊

時將幸盤山聖駕

送馮星實鴻臚乞養旋里

孝治光明極盛朝近臣封事下

重霄永懷堂上頭雙白無恙城南柳萬條摒擋先時舟楫具
溫存連夕豆觴招一帆春水如天濶宦海何心問汝潮

樞廷行省壯猷俱塞馬無嫌得失紆三見文星公望協再升
卿月

主恩殊盛年豈定名山業深谷難忘大廈須

黼座微聞動谷惜此才未合老蓴鱸

倚著天涯戚誼殷棟花風裏恨離羣有緣合住還卿水無定

終憐出岫雲貧士石田空晚歲故家喬木幾斜曛從容若許
山貲乞咫尺江波信誓聞

池上看荷花作歌

前年種花花始盛雲錦周遭一千柄當杯有客才且狂擁鼻
先成洛生詠同時落紙盡如飛驟雨翻盆爲花慶去年花好
客不來諸公與劇喧尊疊今年花開不如舊豈料看花客來
又花衰花盛年復年客何爲者心怍然重呼舊侶對花坐雜
進肴饍兼果蓏半酣酹花以白墮嘆汝離披不成朵晚烟搖
空白月微魚戲不動蟬吟稀仙之人兮五銖衣隨風欬唾珠
玉霏珊珊其來是耶非謂客且莫紛嘲譏前年對客容色好
太液恩光日初曉去年風雨客何之斷梗殘萍共潦倒魏公
老去娥媚減屈子憂來憔悴早客知人壽當幾何花壽況無

人壽多青春白日有新故安保金石同不磨王喬計會太早
計不如一舉金叵羅罡風吹夢華峯頂酒星炯炯懸秋河照
見嵒堯花十丈徑浥沆瀣翻金波潤我人間渴喉吻洗我看
花黑髮無時皤回頭笑問花則那花時亦入醉鄉去明年再
會朱顏酡

長夏園居雜興

一雨西郊暑信深掩關何計滌煩襟朋蹤海鳥無猜忌地氣
河魚減滯淫朝爽乍宜揮翰手晚涼彌動惜花心翛然杖履
生涯足辛苦稽山鍛柳陰
舊日園亭上相家百年羅綺變塵沙到天喬木思恩澤卧地
勞薪覺歲華剩寄愁端向風月平消福分是茶瓜倚樓別起
蒼茫感不獨吾生會有涯

壯夫雕篆亦何名
腕脫脰昏判此生
後世誰能知敬禮
早年只是羨蘭成
池塘落拓春風草
墻角飄蕭夜雨檠
不怕霜痕上新髻
又來擁被賦秋聲

進城出城車轍長
入直散直几席涼
僮奴日給笑蛙廩
戶牖各出成蜂房
五千卷書未可老
七百石秫無時償
東岡月影弄清夜
我夢已落飛仙鄉

皇十一子成親王
自熱河寄示和劉
石菴尙書題畫馬
之作卽次原韻

紛紛仗下揔凡材
骨立空槽肯自媒
落日無邊壯心盡
低徊却入畫圖來

積雪全消塞草長
噴嘶一一氣雄張
似聞柳外奚官語
前月王師克鬼章

蘭臺聽鼓笑詞曹馬鈍如蛙興不豪有分千金致神駿徑隨
飢隼下秋臯

槃礴精神抵運籌風煙無迹起驂騑色飛松雪高齋裏讀書
詩成暑雨收

謹次 皇十一子題太僕陳句山先生遺集後原韻
含毫三嘆渺何因仿佛龍樓坐接茵一日未忘師友分半生
虛現宰官身定文辛苦秋窻雨感舊蒼茫月樹塵神理青山
如可作祇應合掌向天人

中元夜放河燈歌

葭塘露白水氣濃圓月欲出微雲封是夜月食繁星一杵自天落
散彩忽訝波騰紅誰家煞費焚膏力傳是瑜珈大功德一燈
徐引萬燈隨立地光明蕩昏黑我聞法王無盡智慧超寶炬

自徹閭浮宵續薪敲石雨無取九幽苦惱春水消幻形却借
人間世一點心燈示真諦兒女蘭盆沸哭歌魚龍孽海驅陰
沴水風颼颼燭淚寒夜涼螺唄聲辛酸禮魂有客補騷製山
鬼側瞰荷衣單吁嗟乎鐵圍萬仞何嶙峋慈光炯炯通迷津
野井荒墳無餒鬼銀花火樹春臺民

題查初白先生康熙乙酉日記後

玉府朝繙未見書銀盤夕飽大官廚朝回忽夢遊仙去身是
煙波老釣徒

香案親承笑語溫便傳麻紙下

丹闥

昇平晝日無機速只用書生管北門

和門羽獵驟千軍倚馬篇成奏

御勤我亦前年隨豹尾慚無一字擬卿雲

措大寧愁塞屋多餐錢料檢亦

恩波清談苦學王夷甫却奈長安米貴何

題 皇十一子詒晉齋臨絳帖後

尺五

仙莊夏清餘渺然心畫見皇初真成曠世卿書感勝對前朝
祖石儲換取神丹原在骨齧殘退筆總如魚重摹欲竭單微
力并角階陰計未疎

譚錦裘成近十年較量波磔付羣賢矜憐俗學無師甚斂抑
文名未進前北宋四家誰踵企蘭亭五字亦言詮藏真實賴
傳真手不獨金龜翰墨緣

煤黑子

京師使煤如使柴家家戶戶煤爐開車裴駟載入城市販
者誰煤黑子煤黑子煤窯居朝朝入山采煤去面目黧黑形
骸劬去年鑿山山骨枯今年買山山脈腴生煤連筐大於襍
熟煤脫塹如塹鋪染緇未擬溷塗炭守黑頗勝量金珠君不
見長安少年文采都紛紛傅粉鑷髭白面自詡書生徒囊
中一錢澀欲無躑躅歧路胡爲乎

花兒匠

紅塵多少看花客說到栽花苦無策匠人家世住豐臺能使
花紅復能白紅紅白白千萬叢巧奪造化回天工擔向朱門
索高價歸來蓬戶猶春風朱門看花朝復暮看取花新忘花
故殘枝剩蕊飽霜露罌盜墻陰不知數擲之使活接使附盡
是匠人衣食具吁嗟乎匠心日巧花日新花朵自新根自陳

賺盡世上看花人君不見蓬戶忽富朱門貧

搖鈴卒

朔風饕餮雪零斜街月黑星冥冥龍鍾一卒夜深出以手擊
柝尻搖鈴鈴聲不止柝不停旅人殘夢瞿然醒循環恰是五
更轉又聞傳唱來官廳問卒爾何能水晶多年成老冰問卒
爾何樂來歲淘渠大張橐世間苦樂無定局食力得錢隨地
足我自南人憶南俗寒天臘月光景促深巷家家叫火燭更
鑼去後錫鑼來兒童開門手戰瘕

縫窮婦

啼孩在背筐在手敝袴無襦滿街走筐中何有有針黹我亦
貧家好眉首爲他作嫁且緣慳慳慳風埃得餬口長安倦客
緇塵厚衣裳綻裂衾單垢百錢爲爾勤抖擻暫作閨中紉針

婦鳴呼彼婦自有夫強顏乃爾甘人奴鳴呼客亦自有婦黃
金蹴擲往往如秋胡我歌縫窮箴薄俗要懣毋忘好人服

漢西嶽華山廟碑詩爲侍講陳伯恭前輩作

關中漢業隆本根豫鎮首承秩祀尊中興河洛尙柴望舊儀
不改建武元延熹上溯百年耳文字半蝕莓苔昏誰與主者
閱廢墜汝南系出司徒袁

碑中洪農太守袁逢卽司
徒安之曾孫見洪氏隸釋

察書市

石備矜慎鴻都一字開岷源中郎體勢埒斯喜季海述古非
空言由來神物罕傳播歐趙幾輩資評論折腰令長強解事
碎椎肩顛填堦垠人間翠墨遂絕迹一本貴抵千璫璠我思
東京已衰季報功典禮猶虔遵原本經術飾吏治立言垂後
期勿諉靈臺孔廟考題識年號往往桓靈存光和嶽祀繼修
舉五侯裔孫元舅樊

隸釋又載靈帝光和二年太守樊毅修
華山亭華山廟及乞復華下口租三碑

其稱樊曰有漢元舅五侯之裔蓋亭復算暨祠祀三碑鼎立陵厚坤玉女窻
扉一翹首光芒萬丈空騰軒番易以後著錄少誰拓赫蹠連
數番年深此揭獨完好呵護宛沐靈祇恩得非書法感真宰
賞音不歿焦桐燔西陂購自撫吳日孟津跋尾簡不煩郭髯
舊本太殘缺詎敢齊行稱弟昆君於西陂共桑梓嗜古亦復
忘饕餮無心一旦楚弓得瑰寶夜燭金精垣詩材我愧遜馮
景邵長蘅組織時事工瀾翻流傳聊與誌始末嶽翠紙上森
可捫蟠胸奇氣頓突兀五千仞夢徂天門

凍豆腐得凍字

貧居食料慳肯蓄殖壓甕羹湯或非宜啜菽且從衆西風賣
漿肆曉起玉樓凍衣褪駁出膚泔凝滑收漣鍊形骨斯堅吸
氣竅皆洞壘僧蠟面枯國手針眼痛碎連水塊截冷謝布巾

幪投之水百沸豁若起寒中非花浮輕清如玉受刷礪剛柔
便茹吐鹹淡互調弄製傳西苑佳脆潔雜霜松筠籃挈園丁
情厚菜把送年年煨芋爐鼎食補其空一飽吾何貪物微具
嘲諷嗟彼釜中泣豈足天厨貢所恃磨涅姿胚胎敵陰霽雖
然遭沕蝕鐵石矢魂夢儒酸竊太倉陳因相伯仲身隨紆干
雀噤痺得誰控神奇化無日隘甚窮途慟欹枕盍遊仙瓊筵
脯鸞鳳

陶然亭餞王述菴師歸青浦

甲寅

高亭敞遐覽平野遠俗氛渺然江湖思復此鸞鶴羣亦知聚
首樂未若離懷殷夫子昨還朝眷眷懷榆枌留身偶得請竟
作歸山雲籃輿寄僧院面爲看花醺載酒二三子商量冰雪
文考古溯秦漢探蹟窮邱墳曰歸未云遽節物春將分出遊

偶竈突倒載期山君往來走壺榼先後參展褰談諧欲忘晏
崇情良獨勤明朝挂帆去天水光沄沄此會足可惜繼繼留
斜曛

贈王秋塍明府

三年梁苑隔知聞燕市收燈忽見君宦跡邐迤太行道詩篇
精彩朔方軍新姻對面難忘酒謂屠笏死友關心獨定文議
西澗舅氏遺集小住休教行色遽六街花事又三分

秋塍與屠笏岩刺史締姻

雲外飛鳬各化身燕臺春酒故留人新聲小雅思求友古誼
周官重睦婣五嶽何時付禽向一村還擬繪朱陳時有羅山人兩峯繪
圖紀率連倘作平原住我亦鸚鵡裘不諱貧

趙味辛舍人藤花歌

我寓斜街槐市偏竹垞舊此移爨煙編年厯厯考詩目家具
已復經三遷孤蹤始傍禁垣住中間再徙乃在海波寺畔藤
花邊我思前賢遺愛愛斯傳槐樹無若藤花妍槐陰門巷寂
烏有藤花老屋猶依然蘭陵舍人才調翩倚樓吟成絕可憐
偶然八口須三椽身與古藤如有緣竹垞風流嗟往矣倘亦
詩魂不死來游仙君不見庾信江關宋玉宅誅茅異代相後
先曝書遺集藏名山笛漁頗鼓孤桐絃他時許我辱酬唱櫻
鞾桐帽與爾長周旋

莎衫桐帽海樓鞾竹垞自古
藤書屋移居槐市斜街句也

皇十一子屬賦盆中古梅

鬱鬱豐城鉞庚庚嶧陽幹亮無悅已容棄置成永歎西山古
梅樹老作溝中斷春至不復花榛蕪共零亂摧燒偶未盡却
入蕭齋玩頗聞移植初僵立類朽炭數如草堂松萎折已過

半微陽得沈潛皓雪厄昏旦無花忽生葉生死氣偷換得花
亦偶然儕伍羞絳灌遭逢雖寸心風骨猶傲岸今日良宴會
百卉趁華爛樽酒旨且多琴書美無畔出自避風臺登之青
玉案要令山澤材輪囷見體段座隅有賤子瓠落復樗散辱
此慘澹知猥以涼薄惋譬彼泥塗質從容被熏盥江南一枝
春鄉思徒汗漫攀弄不能已眷言托柔翰

趙忠毅公鐵如意歌

茄花委鬼朝權裂有客悲歌唾壺缺幾年血淚雁門秋染到
沈沈一鉤鐵鐵花苔蝕鐵質枯百折不回如壯夫豸冠想像
指揮日要使凶黨成窮逋不然遠戍情懷惡歌舞身同漏舟
托以歌以舞公自
作銘辭中語三尺寒於歐冶鋒六州鑄出羅家錯萬死
投荒竟不歸犀杯無翼化鳩飛公嘗以犀杯贈陳方
伯某見公自作詩注天留勁

骨錚錚在親見銅駝國事非元黃叔憂羣心競計典翻然怨
其正剩許西臺擊竹人忠魂異代同生敬小篆銀絲刻畫深
高齋位置壓璆琳却憐下士將穿硯亦識純臣不剋心廉而不
亦銘
辭語

鐵笛詩

高遷亭邊賞音絕猿臂玲瓏枯且折何人冶鍛作奇譎一片
元雲凍虬結洞仙入破吹不裂西夏狂生掉簧舌夜嘯山林
走羣孽江東好事傳老鐵三弄乖虹怒潮州千年遺製無人
說時平未用思豪傑且向江湖伴畸節南風五月稻畦熟甕
蜥蹢跚村硯拙一聲犢背寒驚瞥會逐神龍起湫穴豐隆撼
山雨如決看爾高飛莫能掣

澄懷園續荷花詩

逝波流盡好年華
病起維摩懶住家
拚得沙禽偷眼笑
絮衣氈帽看荷花

屋撼潮聲枕撼雷
心憐弱植付崩摧
一宵容易風波定
再見亭亭獨立來

和遍陶公止酒吟
名花渴吻對何禁
低徊半頃如油碧
猶是廉頗用趙心

前年葉甚去年稀
今歲花無昨歲肥
何似掃空香色界
咒伊都化彩雲飛

端相最好卽離中
踏浪蠻奴也自工
拗取折枝城裏去
惹他嬌女索蓮蓬

萬柳堂空積潦明
當時花好似蓉城
獨憐東閣勲名地
只記歌筵驟雨聲

玉螭橋南壘裂泥焦烟萬柄委長堤昨宵猛聽翻盆雨却在
西郊更向西

行宮金碧古蓮池一夏跣趺學講師也識因緣彈指幻開紅
開處冷思維

春坊二妙各聲名

謂程蘭翹
錢湘船

不待花開擁傳行輸與花間常

住客露莖看變作霜莖

天孫雲錦最清奇
芰製蓉裳只自怡
收拾人間閒筆硯不逢
花侯莫題詩

古寺

荒林過午不聞鐘
行近山門落葉封
壞壁青紅無住相
虛堂香火昧遙宗
客稀大類投齋餽
僧老猶談聽法龍
烟雨南朝幾塵劫
只應牆角問長松

古驛

卅里羸驂望眼孤依然架格在衝衢淋鈴漫有三郎恨籌筆
終憐八陣圖月黑空廳嘶病馬年深卧榻竄妖狐停車欲續
孫樵記興廢人間百感俱

古戍

犄角專城一旅分防秋曾此論邊勳征夫駐馬思鄉月老卒
登樓識陣雲終古束薪流舊怨無人細柳述遺聞蒼涼尙有
沈沙戟留付耕童換薄醺

古渡

滔滔是處少停瀾草沒枯槎上廢灘想像千軍編筏過低徊
一客數囊看柳條別思春波永桃葉風流暮雨寒不得漁舟
到前汊人間行路只應難

古道

斷隧崩湍西復東茫茫獨往竟安窮
便生馬角休無日儘敝貂裘向此中
看換勞薪經幾劫偷移官柳又成叢
太行辛苦長安樂損到朱顏嘆息同

古解

老屋三間似置郵庭陰幾輩去思留
名花未免辜潘令故吏猶聞禮鄮侯
鼓吹無聲蛙轉怒倉敖不閉鼠長啾
消磨最有黃綾被貶眼南柯一夢遊

古祠

風旗雨瓦日飄零尙說朝真袖屨馨
仿佛侯王存位號尋常魑魅竊威靈
社錢歉歲多新負牲血荒碑有舊腥
村市人歸杯琰寂老巫篝火自空庭

古墓

佳氣當年閉九原
白楊風雨易黃昏
辟邪猶卧啞羊虎
澆土閒逢賢子孫
牧豎樵翁幾登降
玉魚金盃太煩冤
獨憐鉅筆諛神道
不放千縑一字存